



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration
Operational Center

Broj: 04-40-1-352/22
Sarajevo, 19.12.2022. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 16.12.2022. do 08:30 sati 19.12.2022. godine

Operativni centar Kantonalne uprave civilne zaštite Kantona Sarajevo je u izvještajnom periodu, uslijed obilnih kišnih padavina koje su zahvatile područje Kantona Sarajevo, zaprimio više informacija o pojavi bujičnih voda, začepjenja šahtova i odvoda, što je prouzrokovalo plavljenje pojedinih stambenih objekata kao i drugih pomoćnih prostorija, zemljišta i saobraćajnica i to na slijedećim lokacijama:

- dana 16.12.2022. godine u 17:53 sati, od strane Policijske stanice Hadžići, da je došlo do izlivanja potoka na saobraćajnicu na širem području mjesta Raštelica. U 20:00 sati zaprimljena je informacija o privremenoj sanaciji potoka i normalizaciji saobraćaja;
- dana 16.12.2022. godine u 18:39 sati, od strane Operativnog centra civilne zaštite Ilidža, da je u ulici Kakrinjski put br. 147 (MZ Rakovica), uslijed neadekvatne gradnje i pojave površinskih voda, došlo do pojave klizišta na urađenom nasipu. Po dojavi građana, ekipa Opštinske službe civilne zaštite Ilidža, kao i uposlenici Kantonalne uprave civilne zaštite Kantona Sarajevo iz Sektora za mjere zaštite i spašavanja, su izašli na teren, utvrdili stanje i poduzeli mjere na sanaciji pomenutog klizišta. Obzirom da nema trenutne opasnosti po živote ljudi i objekte u okolini, potpunoj sanaciji će se pristupiti u narednom periodu.
- dana 16.12.2022. godine u 20:33 sati, od strane Policijske stanice Hadžići, zaprimljena je informacija da je došlo do plavljenja stambenog objekta u ulici Vrančići br. 23 i da poplava prijeti stambenom objektu u ulici Vrančići I br. 6. O navedenom obavještena Općinska služba za civilnu zaštitu i Mjesne zajednice Hadžići, koji su poduzeli mjere na otklanjanju opasnosti i sanaciji posljedica uzrokovanim poplavom.

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana 19.12.2022. godine u 07:36 sati, od uposlenika preduzeća „Hidrogradnje“, da je u ulici Izeta Čomore bb pronađen jedan NUS.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeno neeksplozivno ubojno sredstvo preuzeti u narednom periodu.

Kantonalna uprava civilne zaštite Kantona Sarajevo Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 7 manjih intervencija: gašenje zapaljenog smeća u kontejneru (5), gašenje kabla za električnu energiju (1) i gašenje dimnjaka na stambenom objektu (1).

NAPOMENA: U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su 5 manjih intervencija: gašenje smeća u kontejnerima (3), gašenje kabla za električnu energiju (1) i gašenje dimnjaka na stambenom objektu (1).

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila -1°C, vlažnost zraka 84%, barometarski pritisak 956,9 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a